

Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi
Ad Thermas Cardinalis Presbyteri Opera Quotquot
hactenùs separatim edita fuerê Omnia**

Bona, Giovanni

Antverpiae, 1677

Cap. XVIII. Veteris Ecclesiae mores ex praesentibus aestimandos non esse.
Cur interdum mutati ritus. De diebus Aliturgicis. Feria quinta quare olim
Missae caruerit. An quotidie veteres Monachi ...

urn:nbn:de:hbz:466:1-10805

Ecclesia emittendos legi possunt lib. 8. Apostolicarum Constitutionum; ac demum his dimissis fore Ecclesiae cladebantur, quas Ministri custodiebant, ne quis à sacris exclusus denuo ingredieretur aut aliquis Fidelium abscederet, statimque Missa fidelium, quam Ivo Carnotensis epist. 219. Missam Sacramentorum vocat, inchoabatur. Sanctus est hic ordo expulsionis, can. 19. Concilii Laodiceni, deque eo agit Theodorus Antiochenus ad can. 5. Concilii Neocæsariensis. Pœnitentes vero quartæ classis usque ad finem Missæ, ut suprà diximus, cum fidelibus morabantur communionis expertes. Quod autem spectat ad Sacramentalem absolutionem, an eam Episcopi seu Sacerdotes sub finem consistentia, an in fine substrationis imperitentur, cum ab ea ad consistentiam transibant, diversæ sunt Eruditorum sententiae, quas non est hujus loci examinare. Quod si specialiter sermone de consuetudine Romana Ecclesiæ, ex Sozomeno lib. 7. cap. 16. & ex Nicephoro lib. 12. cap. 28. manifestè colligitur dilatam Romæ absolutionem usque ad finem quarti gradus. De hac enim Ecclesia tractantes, pœnitentes commemo- rant qui Missæ intererant, nec tamen Eucharistiæ participes erant: & eos ajunt peracta Missa in terram cum fletu corruisse, quibus occurrens Pontifex similiter cum lachrymis collabebatur, & eos erigens pro illis orabat, ac deinde dimitebat. Illi vero privatum jejuniis & aliis penitentiis affligeabant, ac postea elapsò tempore ab Episcopo constituto à peccatis absolvebantur. Non ergo Substratis, qui cum Catechumenis exhibant, sed Consistentibus, qui usque ad finem Missæ manebant in Ecclesia, absolutio dari solebat. Eundem morem servatum in Africa, ut intra Missarum solemnia absolverentur pœnitentes proximè ante orationem Dominicam, non obsecrè docet Optatus Milevitanus lib. 2. Eenim inter vicina monasteria dum manus imponitur & delicia donantur, mox ad altare conversi Dominicam orationem prætermittere non potest. Manum autem impositio super Substratos, quedam tantum oratio & benedictio erat, quam in terram procumbentes à Sacerdotibus accipiebant. A qua prostratione probabile est ortam adversus Christianos Paganorum calumniam, afferentium apud Minutum Felicem: *Eos Antistitū ac Sacerdotis colere genitalia, & quasi parentis sui adorare naturam*, eò quod Pœnitentes Presbyteris advolvi- solerent, & charis Dei adgeniculari, ut loquitur Tertullianus.

CAPUT XVIII.

Veteris Ecclesie mores ex præsentibus esti- mandos non esse. Cur interdùm mutati ritus. De diebus Aliturgicis. Feria Quinta quare olim Missa caruerit. An quotidiæ veteres Monachi celebravint. De diebus Liturgicis, & de quotidiana oblatio- ne. Qui fuerint dies Polyliturgici. Ab uno Sacerdote plures quandoque Missas una die actas, & unam a pluribus.

I. DE sacris Ecclesiæ ritibus, eorumque ve- neranda antiquitate illi proculdubio male merentur, qui priscos mores præsentis temporis consuetudine metientes, omnem veterem disciplinam ad hujus ævi proxim expendunt, ea per- suasione decepti, quod nihil unquam ab iis usibus diversum fuerit, quos à parentibus & præcepto- ribus didicerunt, & quibus ab infanthia assueverunt. Quod si aliquando priscorum Patrum mo- numenta evolvunt, quæ in illis obscura sunt ob- scuriora reddunt, veterem Ecclesiam cum præ- senti comparantes: & si forte in aliquid incident, quod ab hodiernis ritibus discrepet, subsistunt & nutant, vel inconsulto respuentes, vel falsa interpre- tatione in alienum sensum detorquentes quic- quid à suis præjudicatis opinionibus abhorret. Ex quo fit, ut in maximos errores, inque rituum Ecclesiasticorum confusissimam perturbationem labantur, quia nimis illorum causas, & fun- damenta, ac ipsa finit definitions ignorant, quis bene percipere nemo potest, nisi ideam & ima- ginem antiquæ disciplinæ in mente habeat. Multa quidem vocabula nobis & priscis Patri- bus communia retinemus, sed sensu ab eo quem tunc habebant non minus alieno, quam nostra tempora à primis post Christum sæculis remo- ta sunt, ut palam fieri cum de oblatione, de communione, deque aliis partibus divini Sacri- ficii Libro secundo differemus. Possem multa proferre Ecclesiasticæ disciplinæ detimenta, quæ mater errorum ignorantia peperit, sed alienum hoc est à meo instituto, & quicquid in hoc genere peccatum est, naturæ lapsæ cor- ruptioni semper in pejora ruentis malum adscribi, quam illorum negligentiae, qui succrescen- tibus malis non oblituisse vel fomenta præ- buisse censemur. Vetus mortalium querimonia

Ecc

est,

est, à majorum pietate, fervore, & zelo nos recessisse, Christianæ probitatis vix remansisse vestigia: & quamvis fides una, perpetua & invariabilis est, verè tamen credetum numerus ad eos indies decrescit, ut Christus Salvator noster prænuntiarit, vix se fidem in hominibus inventurum, cum terrarum orbem judicaturus adveniet: *Cum venerit, inquit, Filius hominis, putas inveniet fidem in terra?* Moribus autem immutatis, sacros quoque ritus variari consequens fuit. Et multa quidem sapientissimè ab Oecumenicis Conciliis & à summis Pontificibus, quorum est in populum Christianum summa potestas, & irrefragabilis atque infallibilis auctoritas, innovata fuerunt, id exigente temporum conditione, quæ pristinæ consuetudinib[us] distinctionem semper in eodem statu manere non patitur: sed & fatendum nihilominus est, non paucos abusus sensim irrefuisse hominum vicio vel imperitiâ, quibus nunc adversum ire & remedium afferre difficillimum est, cum in mores transferint quæ vitia fuerunt. Distinguendæ igitur ætates, disquirenda mutationis ratio, & omnia ad sua principia revocanda sunt, ut certa rerum notitia habeatur. Tum illud solerter cavendum est, ne ea, quæ justè & prudenter statuta sunt, cum abusibus & corruptelis absque legitima auctoritate introductis temerè confundantur. Optimè de hac re Hugo à S. Victore lib. 2. de sacram. Fidei par. 11. in fine cap. 12. „Etiam si aliis temporibus aliquando non ita fuisset, & nunc aliter esse quam fuit, demonstretur: non tamen cogitare debemus, quasi levitate aliqua factum sit, ut nunc aliter teneatur & aliter institutum sit, quam fuit. Sed quod tunc oportebat & ita sibi liberum fuit, ut sic teneretur, & sic jubaretur: nunc autem alia esse tempora, & aliud esse congruum, sive necessarium saluti humanæ. Hac monitione necesse fuit lectorem initio hujus Capituli præmunire, in eo siquidem & deinceps quædam tractanda sunt ab usu hodierno longè diversa, quæ præcipiti sententia damnare quidam scriptores ausi sunt, vel pervicaciter ea olim facta negantes, quæ hodie non fiunt, vel susque deque omnia vertentes, ut eadem ad hodiernas conuentudines accommodent. Sed jam tempus est, ut de diebus Aliturgicis, Liturgicis, & Polyliturgicis, quorum occasione haec præmissa sunt, tractationem aggrediamur.

II. Apud Græcos dies *Aliturgici* erant & hodie item sunt omnes dies *Quadragesimæ*, quibus Missæ *Præsanctificatorum* utuntur, exceptis Sab-

bato, Dominica, & die Annunciationis. Diem Sabbati Alexandriæ & Romæ liturgiâ olim caruisse testatur Socrates lib. 5. hist. Eccl. cap. 21 „De Synaxi, inquit, variae consuetudines sunt: „nam quamquam omnes ubique in orbe terra- „rum Ecclesiæ singulis septimanis vertentibus „die Sabbati mysteria celebrant, Alexandrii „tamen & Romani ex antiqua traditione istud „facere renuant. Addebat Sabbato Alexandrii feriam quartam & sextam, ut idem afferit eodem loco. „Rufus, ait, Alexandria quartâ fe- „riâ & cā quæ dicitur Parasceve, & leguntur „Scripturæ, & Doctores eas interpretantur, om- „niaque quæ ad synaxim pertinebunt administran- „tur, præter mysteriorum celebrationem. So- „crati adstipulatur eisdem fere verbis Nicephorus Callistus lib. 12. cap. 43. Ecclesia Mediolanensis sextas quaque ferias Quadragesimæ sine sacrificio transigit, ut supra dictum est Cap. X. In eadem Quadragesima officio Missæ caruit feria quinta, usque ad Gregorium II. cuius vitam scribens Anastasius ait: *Hic quadragesimali tempore, ut in quinta feria jejunium, atque Missarum celebra- tas fieret in Ecclesiis, quod non agebatur, instituit.* Notat verò Durandus lib. 6. Rationalis cap. 36. & 43. hinc ortam esse varietatem Epistolaram & Evangeliorum, quæ huic ferie assignantur. Cum enim ejus officium à Gregorio. Magno institutum non fuerit, diversa Epistolæ & diversa Evangelia à diversis Ecclesiis pro eo ordinata sunt, vel quia serius ad eas pervenit Gregorii II. decretum, vel quia ejusdem officium à quorundam Ecclesiistarum Episcopis pridem fuerat institutum. De hac feria Walfriedus Strabo cap. 20. hæc scribit. „Melchiades Romæ præsulatum agens statuit, ut nulla ratione Dominicâ aut quinta feriâ jejunium quis fidelium ageret. Par- gani enim his diebus quasi jejunia frequenta- bant. Ideò B. Gregorius in dispositione offi- ciorum anni infra Quadragesimam quintam fe- riam vacantem dimisit, ut quia festiva erat, veluti Dominicâ, etiam officio diei Dominicâ celebris haberetur. Quæ quinta feria, quoniam postmodum coepit ut cætera jejunis applicari, Gregorius junior statuit eam Missis & orationibus esse solemnum, & undecimque col- ligens ejusdem diei augmentavit officia. At hæc Anastasio adversari videntur: ille enim ait Gregorium constituisse, ut jejunium & Missarum celebritas hac die fieret, quod prius non agebatur: Strabo verò Missam propriam ab illo institutam afferit, cum prius Missa diei Dominicæ ipsa

ipsa feria quinta repeteretur. Melchiadis statutum à Strabone citatum refert Gratianus de conf. dist. 3. cap. *Jejunium*, ex epistola ejus supposititia ad Episcopos Hispaniarum. Habetur quoque in libro de Romanis Pontificibus Damaso Papæ perperam tributo his verbis. „Hic constituit, ne ulla ratione die Dominicæ, aut quinta feria jejuniū quis fideliū ageret, quia eos dies Pagani quasi sacrum jejuniū celebrabant. Quicquid autem sit de hoc Melchiadis Decretum, certum est, in antiquis Sacramentorum libris, itemque in Lectionariis & Calendariis nullam inveniri Missam vel Evangelium tam in Quadragesima, quam extra ipsam per totum annum, feriae quintæ assignatum, nisi post Gregorii II. in Quadragesima tantum, & in octavis Paschæ. Cujus Ecclesiastici ritus ex Concilio Narbonensi anno 589. celebrato rationem pertendam putat Joannes Fronto in Praenotatis ad suum Calendarium §. 6. in quo statutum est, ne ulla religioso cultu hæc dies transigeretur. „Ad nos pervenit, aijunt Patres illius Concilii, quodam de populis Catholicae fidei execribili ritu quintam feriam, quæ & dicitur dies Jovis, multos excolere & operationem non facere. Quam rem pro Dei timore execrantes & blasphemantes, quicumque ab hac die præter festivitates in eo die venientes, ausus vel ausa fuerit vacare & operam non facere, si ingenuus est aut ingenua, de Ecclesia repellendum, & sub penitentia mittendus anno uno, & eleemosyna & metu satisfaciat, ut eis Dominus ignoreat: si servus aut ancilla fuerit, contenta flagella correcti Domino confignantur, & ultra talia eos observare non permittant. Declamat quoque adversus eos, qui feriam quintam colebant, Augustinus in fine sermonis 215. de tempore, ubi inter cætera hæc habet. „Quia audiimus, quod aliquos viros vel mulieres ita dia bolus circumveniat, ut quinta feria nec viri opera faciant, nec mulieres lanificium, coram Deo & sanctis Angelis ejus contestamus, quia quicumque hoc observare voluerint, nisi per prolixam & duram penitentiam tale sacrilegium emendaverint, ubi arsurus est diabolus, ibi & ipsi damnandi sunt. Ipsi enim infelices & miseri, qui in honore Jovis in quinta feria opera non faciunt, non dubito quod ipsa opera die Dominico facere nec erubescunt nec metuant. Nullo igitur honore feria quinta colebatur, nec ullus in ea cogebatur Fidelium conventus, donec Gregorius II. statuit, ut in Quadragesima jeju-

nio & Missa, sicut & aliae legitimæ feriae, celebretur. Extra Quadragesimam verò diu mansit sine proprio & solemnni Sacrificio, & si quis privatim sacrificare voluissebat, praecedentis Dominicæ Missa utebatur. Sic Anastasii & Strabonis sententie conciliari commode poslunt, neque enim puto, uni potius quam alteri credendum, cum ambo eodem tempore vixerint. Præcitatæ Strabonis verba Micrologus transcriptis c. 50. hæc de suo adjungens: *In hebdomada quoque Pentecostes quinta feria officio Dominicæ inofficiatur. Sabbata etiam ante Quadragesimam & ante Palmas Dominicarum suorum officia recipient, nec immertia, cum quilibet dies privati de suis Dominicis soleant inofficiari.* Cur autem hæc Sabbata carent officio, ratio assignari potest ex libro Sacramentorum S. Gregorii apud Pamelium, quia D. Papa dabat eleemosynam, cuius ritus mentionem faciunt Amalarius lib. 1. cap. 9. & alii officiorum expoñentes, nihil tamen quod ad historiam pertineat, afferentes. *Sabbatum ante Palmas*, inquit Amalarius, *prætitulatur in Sacramentario nostro, & in Antiphonario, Sabbato vocat, Dominus Papa eleemosynam dat.* Deinde pias hujus rei expositiones communisficitur. Clarius de hac re differit Grimoldus Abbas in Præfatione libri Sacramentorum editi à Pamelio tomo 2. Liturgic. pag. 388. Agens enim de diebus, qui in Sacrament. Gregorii Magni carent officio, ait: *Sicut quorundam relatu didicimus, Dominus Apollonus in eisdem diebus à Stationibus penitus vacat, eo quod ceteris septimane feriis stationibus vacando fatigatus, eisdem requiescat diebus, ob id scilicet ut tumultuatione populari carens & eleemosynas pauperibus distribuere & negotia exteriora liberius valeat disponere.* Erant igitur Romæ Alturgici illi dies in quibus Pontifex, qui semper solebat Missarum solemnii assistere, quiescebat; quem ritum servabant etiam omnes Ecclesiae Romanis usibus adhærentes.

III. Dies item Alturgici olim erant feria sextâ majoris hebdomadæ, quæ sola hodie in Ecclesia Latina sacrificio caret, & Sabbatum sanctum, qua die licet Missa nunc celebretur, ea tamen agi solebat in nocte Resurrectionis, ad quam spectat. Et hoc quidem Sabbatum omni officio vacabat, feria autem sexta habet Missam Præsanctificatorum, qua Greci semper in Quadragesima utuntur modo supra explicato. Ex hac de hoc biduo testimonium S. Innocentii Papæ epist. ad Decentium, in qua docens oportere Sabbatho jejunare, hanc rationem assert, quia si sexta feria

Ecc 2

feria

„feriâ propter Passionem Domini jejunamus, „Sabbatum prætermittere non debemus, quod „inter tristitiam atque lætitiam temporis illius „videatur inclusum. Nam utique constat Apo- „stolos biduo isto & in merore fuisse, & prop- „ter metum Judæorum se occuluisse. Quod uti- „que non dubium est in tantum eos jejunasse bi- „duo memorato, ut traditio Ecclesia habeat isto „biduo sacramenta penitus non celebrari. Ait deinde hanc formam singulis hebdomadis esse tenendam, quod procul dubio de solo jejunio exponi debet, de quo præcipue loquitur, non autem de omissione Missæ, quam obiter assumit ad jejunii convenientiam aſtruendam. Posset quoque inter Alturgicas computari feria secunda & ter- tia, quibus extra Quadragesimam nulla in antiquis Codicibus Milla annotatur. Epiphanius in expositione fidei num. 22. sacros conventus & synaxes quartâ, sextâque feria, & Dominica ab Apostolis institutas ait. An vero hæc institutio de Liturgia intelligenda sit, incertum est: nam cum variis Ecclesiârum mores essent, si Liturgiam illis tantum diebus agi Apostoli præcepissent, omnes eam legem obseruassent. Crediderim Epiphanium de consuetudine Alexandrina Ecclesiæ loquutum, quam Cypria sequebatur. His diebus Basilius Magnus Ep. 289. ad Cæsariam Patricianum addidit Sabbatum. Singulis certè diebus, inquit, „communicare & participare sancti cor- poris & sanguinis Christi bonum & fructuosum est, cum dixerit ipse perspicuis verbis, Qui „comederit carnem meam & biberit sanguinem „meum vitam habet æternam. Jam vero quis „dubitatur, quin vitæ frequentiis participare, non „sit aliud omnino quam frequenter vivere? „Quæster igitur nos singulis septimanis communicaamus, Dominico die, feria quarta in Paracceve, & Sabbato: Sed & per dies etiam alios, si Martyris alicuius memoria celebretur. Additum quoque est Sabbatum ab Occidentalibus, qui quartâ & sextâ feriâ, ac Sabbato jejunabant, & celebrato sacrificio jejunium solvabant. Tertullianus de jejunis cap. 14. Stationibus quartam & sextam feriam dicamus, & jejunis Paracceven, id est Sabbatum; utpote quod sit Paracceve Dominicæ, ut notat Pamelius. Olim etiam ad diem Sabbati remitti solebant Sanctorum festivitates in diebus Quadragesimæ occurrentes ex statuto Synodi Laodicenæ cap. 51. Quod non oporteat in Quadragesima Martyrum natales persagere, sed eorum in Sabbato & Dominica sanctam memoriam fieri. Idem clarius exprimitur.

in Capitulis Martini Bracarense cap. 48. „Non licet in Quadragesima natales Martyrum ce- lebrare, sed tantum Sabbato & Dominico, die pro commemoratione eorum oblationes offerri. In secundo Concilio Matisconen. cap. 6. decernitur, ut reliquie sacrificiorum feriâ quarta vel sexta dentur infantibus vino permixtæ, quia nimis haec feriæ præ cæteris celebres erant. Nusquam tamen reperio, quod secunda & tertia omni profus sacrificio carerent, unde non credo Alturgicis accensendas esse. Restat Dominica post sabbatum quatuor Temporum, quæ propriâ Missâ caret, & vacare dicitur in priscais sacramentorum libris. Nam cum Sabba- ti hujus Missâ & ei annexa Sacrorum Ordinum collatio Vespere celebraretur, saepè contingebat, ut jejunio usque ad lucem producto Missâ die sabbati inchoata sequenti Dominicâ perficeretur, ipsaque Dominica proprio officio caret, nisi propriam haberet celebritatem, sicut Dominica Resurrectionis. Tempore S. Au- gustini diversæ erant diversarum Ecclesiârum hac de re consuetudines; sicut ipse testatur tract. 26. in Joannem: „Sacramentum corporis, & sanguinis Christi alicubi quotidie, alicubi certis, intervallis dierum in Dominicâ mensa præpa- ratur, & de mensa Dominicâ sumitur. Et ep. 118. ait, Alibi nullus dies intermittitur, quo non offeratur: alibi Sabbato tantum & Dominicâ, alibi tantum Dominicâ. In Monasteriis antiquo ritu omnes dies Liturgiâ carebant excepta Dominicâ & solemnitatibus; idque ex regulis & historiis veterum Monachorum perspicuum est. S. Benedictus Missâ mentionem bis facit in regula sua; cap. 35. & 38. ex utroque autem loco col- ligitur Dominicis tantum & festis diebus ad Missâ sacrificium Monachos convenisse. Ægyptos Monachos sabbato dumtaxat & die Do- minica ad divina mysteria celebranda & percipienda in unum congregari consueuisse narrat Cassianus l. 3. Insit. cap. 2. Carthusianos olim diebus tantum Dominicis & festis Missâ cele- brasse, referunt Petrus Cluniacenfis lib. 2. Mirac. cap. 28. Guibertus Abbas lib. 1. de vita sua c. 11. & Petrus Blefensis Ep. 86. quæ legenda cum no- tis viri euuditissimi Petri de Gussanvilla. S. Fru- ctuosus Bracarense Episcopus in regula secunda Monachorum cap. 13. omni die Dominicâ con- gregari Monachos ad Collectam præcipit, & non plusquam septem dies interponere. Regula Magistri cap. 45. Missam agi mandat diebus Do- minicis & in Natalitiis Sanctorum. Ejusdem ritus.



ritus occurunt paucim exempla in vitis Patrum Orientalium, quae hic referre ut nimis longum, ita & superfluum foret: nusquam enim solemnis conventus ibidem mentio fit, nisi festis diebus, qui soli publica Sacri oblatione colebantur.

IV. Venio nunc ad dies Liturgicos, quo nomine si privatam & quotidianam celebrationem complectimus, extra controversiam est semper licuisse quacumque die Sacrificium offerre, paucis dumtaxat exceptis quibus id nominatum veritatem fuit, quales sunt in Ecclesia Orientali dies Quadragesimæ, quibus Præsanctificatis uentur, & in Ecclesia Romana feria sexta & sabbatum majoris hebdomadae, in Ecclesia autem Mediolanensi omnes feriae sextæ Quadragesimæ. Testimonia veterum Patrum de usu quotidiani Sacrificii quedam attuli supra Capite XIV. cum de Missis privatis agerem, quibus alia hic superaddam, ut privatæ oblationis laudabilis consuetudo firmius stabiliatur. Tertullianus de jejun. cap. 14. *Nobis certè omnis dies etiam vulgata consecratione celebratur.* Andreas Apostolus se quotidie hostiam incruentam immolasse testatus est, ut Acta ejus referunt à Presbyteris Achaiæ conscripta. Cyprianus epist. 54. ad Cornelium, „Episcopatus nostri honor grandis & gloria est pacem de-“ disse Martyribus, ut Sacerdotes, qui sacrificia „Dei quotidie celebрамus, hostias Deo & vi-“ ctimas præparemus. Bafilium Magnum quotidie sacris operatum scribit Amphilochius in ejus vita: ideinque Baroniūs de S. Ambroſio affe-“ rat. Chrysostomus hom. 60. ad Pop. Antioch. Deum ait nobis sua beneficia per singulos dies quodammodo per hec mysteria alligare, non an-“ nuatim sicut olim Hebreis. Et hom. sequenti Dominum per singulos dies venire inquit, ut videat in sacra mensa discumbentes. Innocentius I. epist. ad Exuperium Episcopum Tolosanum, ideo à Sacerdotibus servandam pudicitiam docet, quia non præterit dies, qua à sacrificiis divinis vacent. Petrus Chrysologus serm. 5. loquens de Christo, *Hic est vitulus, ait, qui in epulum nostrum quotidie ac jugiter immolatur.* S. Bonifacium Archiepiscopum Moguntinum quotidie Missam celebrans refert Serarius lib. 3. rerum Mogunt. nosat. 12. in ejus vitam ex quadam fragmento S. Ludgeri. Gregorius Turonen. lib. 1. de gl. confess. cap. 22. calicem & patenam vocat ministerium quotidianum. In veteri Missa edita ab Ilyrico, Sacerdos post communionem Deum orat, ne ad damnationem sibi proveniat, quod corpus & san-“ guinem Christi quotidie audet accipere. Ne vero

deessent singulis propriae Missæ, Alcuinus Caroli Magni Magister rogatu S. Bonifacii Archiepiscopi Missam compoluit de Trinitate pro die Dominica, pro feria II. de Sapientia, pro feria III. de Spiritu Sancto, pro feria IV. de Charitate, pro feria V. de Angelis, pro feria VI. de Cruce, pro Sabbato de S. Maria. *Et hoc ideo, teste Micrologo cap. 60.* „ut Presbyteri illius tem-“ poris nuper ad fidem conversi, nondum Eccle-“ siasticis officiis instructi, nondum etiam libro-“ rum copia prædicti vel aliquid haberent cum “quo officium suum qualibet die possent exple-“ re. Unde & adhuc quidam eadem orationes “quotidie, etiam cum proprio abundant officio, “nolunt prætermittere. In singulis quoque heb-“ domadibus sexta feria de Cruce, sabbato de S. “Maria penè usquequaque servatur, non tam ex “auctoritate, quam ex devotione. In antiquis Usibus Monachorum feria II. notatur Missa pro Defunctis, feria III. de S. Benedicto, sive de Sancto cuiusque congregationis institutore; feria IV. pro familiaribus; feria V. de Spiritu Sancto, feria VI. de cruce vel de passione Domini, sabbato de S. Maria. Missam de Trinitate olim Cistercienses singulis diebus Dominicis cantabant post Primam. Nunc autem quæ Missæ singulis feriis proprio officio parentibus assignatae sint, ex Rubricis Missalis Romani constat, & ex praxi communiter recepta. Sunt & Missæ votivæ nulli diei addicte, quæ quoties occasio fert ad arbitrium Sacerdotis celebrantur. Extat de Missis quotidianis Concilii primi Toletani sub Anastasio Papa hoc decretum c. 5. „Presbyter, vel Diaconus, vel Subdiaconus, vel quilibet Ecclesiæ deputatus, clericus, si intra civitatem, vel in loco in quo ec-“ clesia est, aut castello, aut vico, aut villa, ad ec-“ clesiam ad sacrificium quotidianum non acce-“ serit, clericus non habeatur. At hic canon ad Missam solemnem pertinet, quandoquidem juber omnes Ecclesiasticos ordines ad eam convenire. Ex hoc autem inferatur, eam quotidie in Ecclesia Toletana initio quinti seculi ætam fuisse, quod teste Augustino supra citato alicubi ipso vivente servabatur. Caeterum de Missa solemni singulis diebus cantanda varia olim fuisse diversarum Ecclesiistarum consuetudines superiori paragrapho demonstratum est, recensisit diebus qui apud Antiquos Aliiturgici erant. Quo verò tempore Sacrum quotidianum atque solemne ubique coepit frequentari, non liquet: ex antiquis autem Sacramentorum libris, & ex Ritualibus Monachorum manifestum est, octavo saeculo hunc ri-

tum in omni ferè regione receptum, ut non solum diebus Dominicis, & festivis, ac in diebus Stationum, sive in pervaigilio majorum festivitatum solemnis Missa celebraretur, sicut Apostolica traditio, primique & secundi saeculi usus fe-rebat; sed singulis etiam diebus, sola feria VI. ante Pascha excepta: qui mos hodie in omnibus ecclesiis collegiatis & conventionalibus exactissime observatur.

V. Erant & alii dies in veteri Ecclesia, quos Polyliturgicos vocare libet, in quibus ab uno Sacerdote plures Missæ dicebantur, sicut hodie fit in die Dominicæ Nativitatis. Quamvis enim Leo Magnus Epist. ad Diocorum Alexandrinum eadem die iterari Missam prohibeat, nisi ob angustiam Ecclesiæ omnis populus interesse non posset: hoc tamen decretum vel ita intelligendum est, ut id paucim non licet, & quandocumque Sacerdoti libuerit: sed certis tantum diebus & ex aliqua causa: vel non usu, aut contraria sanctiōne à summis Pontificibus abrogatum fuit. Leonem III. septem quandoque, imò & novem Missas celebrasse ex Walfrido Strabone cap. 21. refert Baronius tom. 9. an. 816. Notabilia sunt Strabonis verba, & idēo non omittenda. „Diversitas, quædam inter Sacerdotes oboriri solet, quia est talis, qui semel tantum in die Missam celebra, brare velit, nimirum credentes idem mysterium passionis Christi cunctarum necessitatum esse generale subsidium. Alius verò bis, ter, vel quoties libet, eadem mysteria in die iterare congreu, putat, credentes tanto amplius Deum ad misericordiam flecti, quanto crebrius passio Christi commemoratur. Et fortasse confuetudinem suam inde confirmandam existimant, quia Romanorum usus habet duas vel tres interdum unius solemnitatis facere Missas, ut in Nativitate Domini Salvatoris & aliquorum festis Sanctorum. Et reverā non esse absurdum crediderim, si dum plures in una die facienda sunt Missas, unus Sacerdos duas vel tres ne cessitate vel voluntate persuadente celebret potius, quam quasdam dimittat. Ad hoc accedit, quod totius usus Ecclesiæ habet saepius Missas agere pro vivis, pro defunctis, pro eleemosynis, & aliis diversis causis, quod etiam officia his attributa testantur. In diebus itaque publica, cā celebritate conspicuis aut illæ diversarum rerum necessitatibus sunt intermittendæ, aut concurrentibus sibimet publica observatione & privata necessitate, utriusque expletio suis est discernenda officiis, vel una oblatione diversæ

, causæ sunt explendæ. Hactenus Strabo, cui auctor Gemmæ animæ ad stipulatur lib. 1. c. 114. „Semel in die debet Missa ab uno Sacerdote celebrari, sicut & Christus semel voluit immolari. Si autem necessitas cogit, id est si duæ festivitates simul occurrent, duæ vel tres celebrari poterunt. Sunt & Conciliorum decreta ad hunc ritum pertinentia. Nam Toletanum XII. habitum ann. 681. can. 5. sic loquitur. „Relatum nobis est, quodam de Sacerdotibus, non tot vicibus communionis sanctæ gratiam sumere, quot sacrificia in una die videntur offerre; sed in uno die si plurima per se Deo offerant sacrificia, in omnibus se oblationibus à communione suspendunt, & in sola tantum extremi sacrificii oblatione communionis sanctæ gratiam sumunt. Vetat autem id fieri sub pena fulpenis. Et in Emeritenſi aliquot annis ante Toletanum habitu sub Vitaliano Papa c. 19. cautum est, ut Presbyter, qui plures ecclesiæ sub suo regimine habet, in singulis die Dominicæ Missas agat. At verò Salegundienſe anno 1022. celebratum cap. 5. numerum præfixit decernens, ne quis præsumeret amplius quam tres Missas in die celebrare. Nec desunt Sanctorum exempla, qui plures in die sacrificium offerebant, nulla etiam urgente necessitate, quia nimis sic ferebat illorum temporum consuetudo. De Leone III. diximus supra, quem Durandus lib. 2. cap. 7. falsò putat primum fuisse, cum Strabo dicat, cum non longe à suis temporibus claruisset. S. Udalricum Episcopum Augustanum duas & tres Missas una die celebrasse scribit in ejus vita Berno Augiensis. A S. Norberto duas quotidie actas, itemque a S. Alberto Monacho legimus apud Surium. De S. Libentino Bremensi Episcopo idem in sua Metropoli narrat Krantz lib. 4. cap. 11. In libello de Alamannicæ ecclesiæ Fraternitatibus, quem edidit Goldastus tomo 2. Alanan. Antiqui, occurrit Fraternitas more prisorum Monachorum inita inter Monasterium Augiense & S. Galli tempore Caroli Magni, in qua conventum utrumque est, ut, quandocumque aliquis frater obierit, eo die Presbyteri tres Missas, & cæteri fratres pro eo Psalterium decantarent. Et hæc quidem universim evincent, licet olim fuisse multiplicem eadem die celebrationem, non solum id aliqua causa exigente, sed etiam liberè & ex sola Sacerdotis devotione. In Ecclesia autem Romanâ antiqua viguit consuetudo bis vel ter offerendi Sacrificium in certis quibusdam festivitatibus, quas operæ pretium duxi hic breviter recensere.

VI. Prima

VI. Prima fuit dies Kalendarum Januarii ex veteri Frontonis Kalendario ante annos nongentos conscripto, in qua duæ Missæ cantari solebant, una de octava Nativitatis, altera de S. Maria: quia ut ait Durandus in suo Rationali lib. 6. cap. 5. hac die duo festa concurrunt, scilicet parientis & partus; unde & duæ Missæ celebrantur, prima de pariente scilicet de B. Virgine, in qua dicitur introitus, Vultum tuum; & Communio, Simile est regnum celorum homini negotiatori: secunda est de partu, scilicet de Filio, in qua dicitur introitus, Puer natus est nobis; vel in aliis ecclesiis, Dum medium silentium. Unde & in quibusdam Gradualibus officium utrumque intitulatum invenitur. Nunc verò utrumque festum in unum conflatum est, nam oratio in Missâ est de S. Maria, Evangelium de Circumcisione, reliqua de octava: in officio autem major pars est de ipsa Virgine, additis nonnullis de circumcisione, & de octava, à qua hæc dies in antiquis Sacramentorum libris, nulla facta mentione Circumcisione, denominatur. In prisco Ordine Romano ipsis Kalendis Januarii alia Missa reperitur, *Ad prohibendum ab Idolis*, cuius prima oratio hæc est. „Omnipotens semper, piterne Deus, da nobis voluntatem tuam & fideli mente retinere, & pia conversatione deponere, ut Ecclesia tua à profanis vanitatibus excepta non aliud profiteatur verbis, aliud exercere, ceat actione. Meminit hujus Missæ Menardus in notis ad lib. Sacram. pag. 33. ubi optimè observationem hujus Missæ instituendæ fuisse, quia olim Pagani Kalendas Januarii multiplici superstitione polluebant.

Altera est dies Coena Domini, in qua Episcopus tres Missas celebrabat, quæ teste Menardo ibid. pag. 68. extant in antiquo Codice Remensi, quarum prima erat pro reconciliatione Peccantium, secunda pro conficiendo Christmate, tertia ferotina de ipsa diei solemnitate, cum oratione Deus à quo & Judas. Has item Missas reperi in libro Sacramentorum Petaviano, nunc Reginæ Sueciæ, omnium quos vidi Antiquissimo. Olim quoque Missas hac die in quibusdam Ecclesiis actas, unam mane, alteram serd, scribit Augustinus epist. 118. ad Januarium.

Tertia est vigilia Ascensionis Domini, in qua duplex Missa prescribitur, una de Feria, sive de Rogationibus; altera de ipsa vigilia, ut constat ex Kalendario Frontonis, & ex priscis Missalibus. Ipso quoque Ascensionis die in predicto Codice Reginæ duæ Missæ notantur, & in singulis propria Prefatio.

Quarta tres dies jejuniorum hebdomadæ Pentecostes complectitur, in quibus afferit Micrologus cap. 58. duas Missas ab aliquibus suo tempore decantatas, unam de octavo sive de festo Spiritus Sancti post Tertiam, alteram de jejunio quatuor Temporum post Sextam.

Quinta est dies Nativitatis Domini, in qua tres Missæ dicuntur: & hæc sola cæteris abrogatis in usu permanxit. Addit Joannes Fronto in prænotatis ad suum Kalendarium §. 10. sanctum diem Resurrectionis, dicens: „In die Paschatis sunt tres Missæ, prima sabbatina de nocte, secunda de die, tertia in concessione Ordinum, quæ non adnotatur, quia sumitur de communione. Erat enim Missa quædam specialis, quæ semper dicebatur in Ordinum collatione. In prædictato Codice Reginæ, & in aliis antiquis extat etiam Missa de Pascha annotino, quæ recurrente die anniversaria baptismatis pro his celebrari solebat, qui præcedenti anno baptizati fuerant, non omisso diei officio, in qua leguntur istæ orationes: „Deus per cuius providentiam nec præteritorum momenta deficiunt, nec ulla superest expectatio futurorum, tribue permanentem peractæ quam recolimus solemnitatis effectum; ut quod recordatione percurrimus, semper in operi teneamus. Per. *Aida*, Deus qui renatis fonte baptismatis delictorum tribuis indulges, tiam, praesta misericors, ut recolentibus hujus Nativitatis insigniæ, plenam adoptionis gratiam largiaris. Per Dominum. In alio Codice Reginæ, quem supra Cap. XII. Gallicanum ritum continere dixi, singulis diebus octavarum Paschatis duæ sunt Missæ, una pro parvulis qui renati sunt, altera de ipsa festivitate. Eadem Missa extat in Codice Palatino Bibliothecæ Vaticanæ ibidem laudato sic inscripta, „Missæ Matutinalis per totam Pascham pro parvulis qui renati sunt maturè dicenda. *Eius oratio hæc est*, Deus qui credentes in te populos gratiæ tuæ largitate multiplicas, respice proprius ad electionem tuam, ut qui sacro baptismate sunt renati, regni coelestis introitum mereantur. Per Dominum Græcos quoque in die Resurrectionis Missam unam ante solis exortum celebrasse scribit Gabriel Philadelphiensis relatus à Gretsero lib. 3. comment. in Codicu[m] cap. 1.

VII. Multiplex item sacrificium in natalitiis Sanctorum offerri confueverat, cum duorum vel plurium cædem die festivitas agebatur: qua de causa in vetustis Sacramentorum libris duæ Missæ certis diebus notantur, ut die 20 Januarii una

una de sancto Sebastiano , altera de sancto Fabiano : die 3 Maii de Inventione sanctae Crucis , & de Sanctis Alexandro , Eventio , & Theodulo : die 28. Junii de sancto Leone , & de vigilia Apostolorum . Et hac die in libro sacramentorum sancti Gregorii edito ab Hugone Menardo ante secundam Missam extat haec nota . „Quando „Apostolicus duas Missas celebrat una die , in- „ter eas non lavatos , nisi post officium ; sed „absque intervallo finita priore incipitur alia : nimis ut jejunus celebet . In Codice Reginæ de sanctis Apostolis Petro & Paulo die 30. Junii tres sunt Missæ , una de S. Petro solo , altera de utroque simul , tertia de S. Paulo . Die 29. Julii ex Sacramentali Pamelii duæ quoque sunt , nem- pè de S. Felice , & de sanctis Simplicio , Faustino , & Beatrice , Die 28. Augusti de sancto Hermete , & de S. Augustino : Die sequenti de martyrio S. Joannis Baptistæ , & de S. Sabina . Die 8. Septembri de Nativitate S. Mariæ , & de S. Adriano : Die 14. de Exaltatione S. Crucis , & de sanctis Cornelio & Cypriano : Die 16. de S. Eu- phemio , & de sanctis Lucia & Geminiano : Die 11. Novembri de S. Menna & de S. Martino : Die 23. de S. Clemente , & de S. Felicitate : Die 29. de S. Saturnino , & de vigilia S. Andreæ . Nunc autem prædictæ festivitatis una die occur- rentes vel simul unico officio celebrantur , vel al- tera in aliud diem transfertur , aut ipsa die sola commemoratione expeditur .

Sunt & aliae causæ multiplicationis Missarum de iisdem Sanctis ; nimis cum eorum Reliqüæ in diversis Ecclesiis conditæ erant . Sic fe- sto S. Felicis cum septem filiis die 10. Julii tres Missæ affligantur in Kalendario Frontonis , quia in tribus diversis locis ipsorum corpora se- pulta fuerunt , & ad singula concurrebat popu- lus , & idem Sacerdos in singulis Sacris operabatur . Sic etiam Papa in die Apostolorum bis olim celebrabat , semel in Basilica S. Petri , & iterum in Basilica S. Pauli , ut Prudentius testatur hym. 12. de Coronis .

*Aflice per bisidas plebs Romula funditur plateas ,
Lux in diobus servet una festis .
Translyberina prius solvit sacra pervigil Sacerdos ,
Mox hoc recurrat . duplicaque vora .*

Vel quando ejusdem Sancti memoria in pluri- bus locis colebatur , utpote in Basilica ipsi dedica- ta , & in loco ubi conditus fuit . Et haec est causa trium Missarum , quæ in die S. Laurentii dice- bantur , quarum prima erat vigiliæ , quæ serò

siebat propter jejunium , quando more Ecclesiæ stico dies festus incipiebat : altera summo mane , tertia post Tertiam . Tres quoque Missas singula- ri privilegio Nativitatæ S. Joannis Baptistaræ tri- butas liquet ex libro Sacramentorum Pamelii , & ex aliis Codicibus quos laudat Menardus in notis sui Sacram. pag. 169. vigiliarum scilicet , diluculi & dici . Harum mentionem faciunt Al- cuinus cap. 30. Amalarius lib. 3. cap. 38. & lib. 4. cap. 40. Hugo Victorinus lib. 3. de Offic. Ec- clesiast. cap. 6. & Baronius in notis ad Martyro- log. die 24. Junii . Berno quoque in vita S. Udal- rici scribit , eum in hoc festo bis sacrificasse , ut ei , inquit , statutum . Missæ vero eadem die primo mane celebratae post hymnum *Tu Deum laudamus* in Mutinæ decantatum , mentio fit in vita Ro- berti Regis Francie scripta ab Helgaldo Mon- cho Floriacensi . Duæ item Missæ leguntur in li- bro Sacram. S. Gregorii , apud Pamelium , & in Codice Ratoldi apud Menardum pag. 32. pro die S. Joannis Evangelistæ , primo mane , & in die , quā meminit Amalarius lib. 4. cap. 40. easque negligendas non esse ait Rodulfus in fine libri de Canonum observantia .

Postrema plurium Missarum celebrandarum causa fuit , ut suprà ex Strabone notavimus , cum Missa votiva propria aliqua necessitate , aut Missa Defunctorum pro aliquis sepultura , aut com- memoratione agenda erat . Concilium Cartha- ginense relatum c. Sacraenta Altaris , *de confe- dist. I.* imminente alicuius sepultura , eam fieri scilicet orationibus præcepit , si jam pranzi Sacerdotes invenirentur . Ex quo infertur , quod si jejunii so- rent , poterant iterum Missas agere . Concilium Oxoniense in Anglia tempore Honorii III. unam Missam in die dici mandat ; exceptis die Nativi- tatis & Resurrectionis , & exequis ac sepulturæ Defunctorum . In regno Valentiae , & in aliis qui- busdam locis Hispaniae , Sacerdotes bis vel ter ce- lebrant in die commemorationis omnium De- functorum , five ex privilegio , five ex consuetudi- ne , quæ fortassis ex eo proflixæ , quod Alexan- der II. qui unam dumtaxat in die Missam agi præcepit , morem celebrandi unam de die , alteram pro defunctis refert , & non abrogat . Certum nihilominus est hunc morem jam pridem desue- visse . Decretum Alexandri extat apud Gratia- num *de confe. dist. I. c. sufficit* . Cui confonat Innocentius III. c. consuluisti *de celebratione Missarum* , his verbis : *Respondemus quod excepto die Nativitatis Dominicæ , nisi causa necessitatis suadeat , sufficit Sacerdoti semel in die unam Missam solam*

solanummodo celebrare. Addit Honorius III. ibidem c. Te referente, valde felicem esse, qui celebatur dignè unam.

VIII. Hæc de multiplici sacrificio ab uno Sacerdote una die peracto dum scribo, incidi in librum cuiusdam recentioris, qui ex præsenti tempore antiquum aestimans audacter pronunciat non ab uno Sacerdote in suprascriptis casibus sacrificatum, sed à pluribus, quia nimis hunc hodie usum in Ecclesiis vidit, ut cum duæ Missæ eadem die celebrandæ occurrent, sicut in Quadragesima & in aliis vigiliis, una de feria, altera de festo, hæc ab uno Sacerdote post Tertiam, illa ab altero post Nonam peragatur. Sed si antiquos sacrorum rituum expositores, & libros rituales perlegisset, inveniretur proculdubio diversos tunc fuille Ecclesiæ mores: nam quoties duæ Missæ cantandæ erant, unus & idem sive Presbyter, sive Episcopus, sive Pontifex Maximus, utramque cantabat, ut ex allatis veterum testimoniis evincitur. Sicut enim hodie in die Nativitatis Domini unus Sacerdos tres Missas celebrat, ita & tunc in aliis diebus polyliturgicis. Nam unus Sacerdos uni Ecclesiæ addictus erat, & cum plures esse cceperunt, ex his hebdomadarii constituebantur, qui, ut loquitur Cyprianus Ep. 5. ad Clerum, singuli per singulas vices alternabant. Hebdomadarius autem, quidquid publicè in Ecclesia cantandum erat, ipse canebat, sive una sive plures pro more illius temporis Missæ occurrerent: eodemque munere in majoribus solemnitatibus qui dignior erat in clero fungebatur. Narrat Palladius in vita Abbatis Arisii in Ecclesia Montis Nitriæ octo fuisse Presbyteros, inter quos qui primus erat solus offerebat, & quamdiu ipse vivebat, reliqui nec offerebant, nec judicabant, nec sermonem habebant. Libuit hoc obiter annotare, & ad alium veteris Ecclesiæ ritum enucleandum progredior.

I X. Solemne hoc fuit in utraque Ecclesia, Græca & Latina, ut unum & idem sacrificium à pluribus interdum Sacerdotibus celebraretur: Episcopo enim sive Presbytero celebrante reliqui quotquot aderant Episcopi, seu Presbyteri simul celebrabant, ejusdemque sacrificii participes erant. Hic autem mos haec tenet servatur à Græcis: apud nos vero in solis ordinationibus Presbyterorum, & Episcoporum permanit. Hujus celebrationis modum & ritum latè describit Joannes Morinus lib. de sacris ordinationibus parte 1. exercit. 8. capite 1. Res ipsa probatur antiquorum canonum & Patrum testimonii. Con-

stitutiones Apostolicae lib. 8. Episcopum describunt sacris operantem cum Presbyteris circumstantibus, simulque offerentibus & communicantibus. Eundem ritum supponunt canon 8. Apostolorum aduersus Presbyteros & Diaconos, qui oblationis factae participes non fuerint: Canon 5. Concilii primi Toletani præcipiens omnes Presbyteros & Diaconos quotidiano Sacrificio adesse: canon 14. Concilii Arvernensis mandans Presbyteros in præcipuis festivitatibus nullo loco divina celebrare mysteria, nisi cum Episcopo suo in civitate. In Concilio Chalcedonensi Bassianus ab Episcopatu Ephesino depositus de Stephano in fidem suam intrusus sermonem habens ait: *Stephanus Presbyter meus fuit. Quatuor annis Missas mecum celebrabat, mecum communicabat.* Dominus Antiochiae Episcopus Simeonis Stylistæ vitam admiratus simul cum illo sacrificium celebravit, eoque peracto alter alterius tradidit communionem, ut referunt in historia Ecclesiastica Evagrius libro 1. cap. 13. & Nicephorus libro 14. capiti 51. Ebbonem Remensem Archiepiscopum narrat Flodoardus ad Missæ celebrationem cum aliis Episcopis processisse, cum sedi suæ restitus fuit. Joannes VIII. in fine octavae Synodi ad Photium scribens suos Apocrifarios defendit, quod cum ipso Photio simul sacrificare noluerint. Athanasius *Apolog.* 2. pro sua Ischyriæ calumniatori suo exprobrat, quod nunquam synaxim cum aliis Presbyteris fecerit. Vetus Pontificale Rothomagenis Ecclesiæ apud Menardum in notis ad Sacrament. pag. 81. Mos, inquit, est Romanæ Ecclesiæ, ut in confectione corporis & sanguinis Domini adfint Presbyteri, & simul cum Pontifice verbis & manibus conficiant. In alio antiquo Rituali five Rationali ceremoniarum apud Morium loco cit. reperitur hic titulus, *De diversis Sacerdotibus super unam oblatam celebrantibus.* Ordo etiam Romanus hunc ritum exprimit, qui adhuc vigebat tempore Innocentii III. Nam l. 4. de Mysteriis Missæ cap. 25. Consueverunt, ait, Presbyteri Cardinales Romanum circumstare Pontificem, & cum eo pariter celebrare, cumque consummatum est sacrificium, de manu ejus communionem recipere. Improbat audacter ac temerè hanc consuetudinem Durandus in 4. sentent. dist. 13. quest. 3. quem multi è Scholasticis sequuti sunt rem clarissimam intricatissimis difficultatibus implicantes, quorum aliqui multa fingunt in ea incommoda & pericula, alii negant unquam fuisse ab Ecclesia Romana usurpatam, & quæ prolatata

Fff sun

sunt, priscorum Patrum testimonia alio detinunt: ac si in Ecclesia nihil umquam factum sit, nisi quod fieri nunc vident. Illos nimis in varia absurdia praecepit antiqui ritus desuetudo, & ex desuetudine ignorantia. Hic ego non disputo, sed constanter assero, hunc sive Ecclesia morem per plura saecula, qui in Ecclesia Orientali adhuc viget. Hunc convellere scholasticis subtilitatibus audax consilium est. Desit fateor ille mos, non quia acuminis disputantium Ecclesia cesserit; sed quia ritus ac ceremoniae non in aeternum permanent, tollique possunt ac mutari sine fidei ac unitatis dispendio. Cur autem desierit, causa mihi videtur fuisse, primò quidem quod fundatis ordinibus Mendicantium, & longè latèque propagatis, multiplicata sunt onera Missarum, atque ideo necesse fuit, singulos Sacerdotes, ut iis satisfacerent, singularis diebus privatim celebrare. Deinde quia charitas multorum refrixit, cessavit etiam frequens accessus ad hoc sacramentum, adeò ut hodie nec ipsi quidem Ministri in plerisque Ecclesiis communicent, licet sacrificio cooperentur. Olim vero hic ritus diebus festis & solemnioribus potissimum servabatur: quia sicut populus tunc sacro adesse, & sacra communione refici conueverat; ita viri Ecclesiastici Missæ solenni ministrabant, & quisque sui Ordinis ministerio fungebatur, ac in unum propterea conveniebant, omnesque pariter sacram synaxim peragebant, Christique corpus & sanguinem in fine percipiebant. Haec autem vere & propriè communio Ecclesiastica dicebatur à sanctis Patribus tanto perè commendata, qua Clerici delinquentes diversimodè pro crimine varietate privabantur, & cum quis ab ea totaliter abstensus erat, veluti redactus ad laicam conditionem inter laicos in Ecclesia locum habebat.

C A P U T X I X.

De Templis. Eorum usus & necessitas. Origo ab Apostolis. Veterum Scriptorum de illis testimonia. Templi & Ecclesia apud Antiquos discrimen. Missa aliquando extra Ecclesiam, & sine Altari peracta. Distincta quadam obiter de Cryptis subterraneis. Varia Templorum nomina. De Cemiteriis. Erecta olim Templo supra Martyrum sepulturas. Reliquiae Martyrum sub Altari.

I. **Q**uamvis Deus ubique sit, & in omni loco ad eum liceat puras & innocuas levare manus, ut Apostolus docet 1 Tim. 2. sacrificium tamen, cum sit publicus & maximus Dei cultus, necessarium habet cum altari & templo connectionem. Obeundum enim est per publicum ministrum ad hoc munus legitimè deputatum: nec decet ut tantum mysterium fortuito peragatur, bincunque Sacerdoti libitum fuerit, sed locus ritè consecratus requiratur, cuiusmodi est altare, cuius sanctitati & venerationi ut proprieetur, & omnia profana ab eo arcerentur, additum est templum, tanquam domus Numini sacra, ad quam omnes statim horis convenienter, primò quidem ut sacrificio interessent, deinde ut alias Religionis functiones sanctius & congruentius in ea exercerent. Sicut autem extra templum Hierosolymitanum nefas erat in veteri Lege victimas immolare; ita in Evangelica certa loca ab Apostolis corumque Successoribus deleta sunt, extra quæ illicitum foret sacrificium offerre; nisi necessitas cui parent omnes leges, dispensationi in aliquo casu locum esse suaderet. Hinc Cyrus Alexandrinus lib. adversus Antropomorphitas cap. 12. *Donum, ait, si res oblatio, quam mystice celebramus, in solis Orthodoxorum sanctis Ecclesiis offerri debet, neque alibi omnino. Qui secus faciunt, aperte legem violant.* In eandem sententiam loquitur Basilius lib. de Baptismo cap. 8. *Nobis periculum est malè obiti mandari, si loci rationem neglexerimus, maximè si Sacerdotii mysteria in locis profanis celebraverimus: propterea quod ea res indicium haberei contempsum in celebrante, offendit eum quoque generaret.* A temporibus igitur Apostolorum loca fuisse Deo dicata, quæ à quibusdam Oratoria, ab aliis Ecclesiæ dicebantur, in quibus populus orare, verbum Dei audire, synaxim agere, & corpus Christi similem confueverat, Paulus Apostolus ad Corinthios scribens ep. 1. cap. 11. *teflis locupletissimus est. Convenientibus, inquit, vobis in Ecclesiam audiendi secessuras esse inter vos.* Et paucis interjectis, *Numquid domos non habetis ad manducandum & bibendum, aut Ecclesiam Dei contemnitis?* Etsi enim nomen Ecclesiæ pro Fidelium congregatione frequenter sumatur, hic tamen ab Apostolo pro ipso loco, in quem illi conveniebant, usurpari evidens est. Quem locum exponens Basilius in regulis brevioribus Interrog. 310. ait: *Quemadmodum ratio non permittit, ut vas illum commune in sancta introferatur, eodem modo etiam vetat sancta in domo communi celebrari.* Hoc ipsum confirmat Augustinus qu. 57. in Leviticum: *Ecclesia*

